

SOALAN NO: 34

**PARLIMEN MALAYSIA**  
**PEMBERITAHU PERTANYAAN DEWAN RAKYAT**

**PERTANYAAN** : Lisan

**DARIPADA** : Dato' Ir. Nawawi Bin Ahmad  
[Langkawi]

**TARIKH** : 7 Mac 2018 (Rabu)

**SOALAN** : Dato' Ir. Nawawi Bin Ahmad  
[Langkawi] minta **MENTERI  
PERTANIAN DAN INDUSTRI  
ASAS TANI** menyatakan berapa  
banyak peruntukan yang  
diperuntukkan oleh Kementerian  
bagi memastikan sumber laut  
sentiasa mencukupi di pasaran  
terutamanya di Pulau Langkawi  
yang mana pelancong meningkat  
saban tahun melancong ke  
Langkawi.

## JAWAPAN

**Tuan Yang Dipertua,**

Sejumlah RM2.39 juta bagi tahun 2017 dan RM1.41 juta bagi tahun 2018 telah diperuntukkan melalui Jabatan Perikanan Malaysia (DOF) untuk pelaksanaan program-program pembangunan dan peningkatan sumber perikanan di negeri Kedah termasuklah Langkawi bagi memastikan bekalan ikan mencukupi. Projek-projek yang dilaksanakan adalah merangkumi perikanan tangkapan dan akuakultur serta program sokongan untuk memenuhi jaminan keselamatan makanan seperti aspek biosekuriti.

Selain itu, pada sesi pembentangan Bajet 2018, YAB Perdana Menteri juga telah mengumumkan peruntukan sebanyak RM50 juta kepada Kementerian Pertanian dan Industri Asas Tani (MOA) melalui Lembaga Pemasaran Pertanian Persekutuan (FAMA) dan Lembaga Kemajuan Ikan Malaysia (LKIM) untuk melaksanakan program Stok Bekalan Makanan (SBM) yang bertujuan agar pengguna memperolehi stok barang makanan dengan harga berpatutan seperti ikan, sayur, ayam dan telur.

Pelaksanaan Program SBM ini melibatkan 27 komoditi terpilih termasuklah ikan yang ditawarkan pada harga yang lebih jimat di antara 5% hingga 20% berbanding harga semasa di pasar yang terdekat.

Bagi penduduk di Langkawi, pihak FAMA telah melaksanakan jualan di program Jimat Belanja Dapur (JBD) di LKIM Penarak, Langkawi pada bulan Januari 2018 dan Program Jalinan Sentuhan Rakyat di Wisma UMNO Langkawi pada 26 Februari 2018 di mana pihak LKIM dan NEKMAT telah menawarkan ikan rakyat segar beku (Q-Fish) pada harga RM10/kg berbanding harga pasaran yang melebihi RM15/kg. Langkah ini seterusnya dapat menstabilkan bekalan dan harga ikan di Langkawi.